

### 三聚：

以三聚該收一切眾生也。一、正定聚，必定證悟者。二、邪定聚，畢竟不證悟者。三、不定聚，在二者中間有緣證悟，無緣不證悟也。

此三聚之義通於大小乘，預流向已上之聖者為正定聚，造五無間業者為邪定聚，在此二者中間修七方便之行者為不定聚。大乘之三聚有多義，《智度論》：「能破顛倒者名正定，必不能破顛倒者是邪定，得因緣能破不得則不能破是名不定。」是通相說三聚，未判其位也。

依《起信論》之所說，則十信已前之凡夫不信因果，為邪定，十住已上為正定，十信之人為不定性。此為實大乘之義。權大乘之相宗，則依《智度論》之說意，不因位而制之，依彼宗所立之五性而立之。即無種性之人為邪定，不定種性之人為不定性，菩薩定性之人為正定。又依《釋摩訶衍論》之一說，則十聖為正定聚，三賢為不定聚，自餘之凡夫為邪定聚。是亦權大乘之意也。圭峰之《起信筆削記》三曰：「終教以一切異性為邪，三賢為正，十信為不定。」《釋摩訶衍論》卷一中舉出三種說法，**其一同於華嚴宗之說，認為十信以前為邪定、十信為不定、十信（即十住）以後為正定。**據《無量壽經》卷下所載，阿彌陀佛之淨土無邪定聚與不定聚，所住者皆為正定聚（住正定聚）。此即一般所謂之處不退（無退墮惡緣之處）。據此，日本淨土真宗調，得他力信心之第十八願行者為正定聚，雜行雜修萬善諸行往生淨土之第十九願行者為邪定聚，以自力念佛之第二十願行者為不定聚。唯有正定聚者有真實報土，方能成佛。

出處	正定聚	邪定聚	不定聚
小乘	預流向已上之聖者為正定聚，	造五無間業者為邪定聚，	在此二者中間修七方便 <sup>1</sup> 之行者為不定聚。
《大智度論》	能破顛倒者名「正定」。	必不能破顛倒者是「邪定」。	得因緣能破，不得則不能破，是名「不定」。
《釋摩訶衍論》（一說）	三賢及十聖名為正定聚。決定安立不退位故。	十信前名為邪定聚。不能信業果報等故。	十種信心名為不定聚。或進或退未決定故。
《釋摩訶衍》（二說） --權大乘之說。	十聖為正定聚	自餘之凡夫為邪定聚	三賢為不定聚
《大乘起信論》---（實） 大乘之義。	十住已上為正定	則十信已前之凡夫不信因果，為邪定，	十信之人為不定性
圭峰《起信筆削記》--- 終教說---華嚴宗說法	三賢（十住、十行、十回向）為正	一切異性（十信以前）為邪定	十信為不定

<sup>1</sup>小乘之七賢位也，是為入見道之聖位之方便行位。故曰方便。小乘見道以前之修行位也。總稱見道以前為賢位，見道以後為聖位。賢位中有七位：一、五停心觀，二、別相念住，三、總相念住，謂之三賢位，四、煖法，五、頂法，六、忍法，七、世第一法，謂之四善根。

又：天台涉於諸教立二種之七方便：第一為人乘，天乘，聲聞乘，緣覺乘，藏教之菩薩乘，通教之菩薩乘。別教之菩薩乘。此七方便依藥草喻品三草二木之意而立者。

《阿彌陀經》	往生彌陀淨土者，皆為正定聚---此即所謂「阿鞞跋致」不退（位不退 <sup>2</sup> 、行不退 <sup>3</sup> 、念不退 <sup>4</sup> ---無退墮惡緣之處） <sup>5</sup>	無邪定聚	無不定聚
日本淨土真宗調，	據此，日本淨土真宗調，得他力信心之第十八願行者為正定聚。唯有正定聚者有真實報土，方能成佛。	雜行雜修萬善諸行往生淨土之第十九願行者為邪定聚。	以自力念佛之第二十願行者為不定聚。

《佛說無量壽經》卷 1：「設我得佛，十方眾生至心信樂欲生我國，乃至十念，若不生者，不取正覺，唯除五逆、誹謗正法。」<sup>6</sup>

《佛說無量壽經》卷 2：佛語[告]阿難：「其下輩者，十方世界諸天人民，其有至心欲生彼國，...當發無上菩提之心，一向專意乃至十念，念無量壽佛，願生其國。若聞深[生]法歡喜信樂，不生疑惑，乃至一念念於彼佛，以至誠心願生其國。此人臨終夢見彼佛，亦得往生，功德智慧次如中輩者也。」<sup>7</sup>

《佛說觀無量壽佛經》卷 1：「阿彌陀佛去此不遠；汝當繫念，諦觀彼國淨業成者。我今為汝廣說眾譬，亦令未來世一切凡夫欲修淨業者，得生西方極樂國土。欲生彼國者，當修三福：一者、孝養父母，奉事師長，慈心不殺，修十善業。二者、受持三歸，具足眾戒，不犯威儀。三者、發菩提心，深信因果，讀誦大乘，勸進行者。如此三事名為淨業。」<sup>8</sup>

宋·王日休《佛說大阿彌陀經》卷 2：「佛言：『行菩薩道生阿彌陀佛刹者，即得不退轉地菩薩，具三十二相，紫磨金色，八十種好，漸次以入佛位。欲於何方世界作佛，皆如所願。若不能大精進、禪定，盡持經戒，必修十善...篤於孝順謹於誠信，信受佛語，深信作善得福，奉持如是善法，晝夜思惟阿彌陀佛，及彼刹種種功德莊嚴，志心歸依頂禮供養，是人命終心不顛倒，即得往生。聞無量無數諸佛，稱讚此佛功德，永不退轉無上菩提。』」<sup>9</sup>

宋·法賢譯《佛說大乘無量壽莊嚴經》卷 2：「復次，阿難！若有善男子、善女人，發十種心，所謂（十善）。如是晝、夜思惟極樂世界無量壽佛，種種功德種種莊嚴，志心歸依頂禮供養。是人臨終，不驚、不怖、心不顛倒，即得往生彼佛國土。有無量無數諸佛世尊，稱讚無量壽佛功德名號，聞是法已，永不退於阿耨多羅三藐三菩提。」<sup>10</sup>

《佛說阿彌陀經》卷 1：「舍利弗！不可以少善根福德因緣，得生彼國。舍利弗！若有善男子、善女人，聞說阿彌陀佛，執持名號，若一日、若二日、若三日、若四日、若五日、若六日、若七日，一心不亂。其人臨命終時，阿彌陀佛與諸聖眾現在其前。是人終時，心不顛倒，即得往生阿彌陀佛極樂國土。」<sup>11</sup>

<sup>2</sup> 位不退（通指不退凡夫位）：帶業、不帶業，皆生同居，蓮華托質，永離退緣。

<sup>3</sup> 行不退（指不退二乘位）：斷見思，進斷塵沙，生方便土，行門益堅。

<sup>4</sup> 念不退（指不退權教位—通、別）：圓初住、別初地，皆生實報土，又曰分證寂光土。

<sup>5</sup> 另有畢竟不退（終究畢竟為得度因緣）：不論定心、散心、有心、無心，或解、或不解，但聞彌陀號，或經及題，縱經沙劫，佛種不斷，畢竟因此得度，但今不能即生。共此名「四不退」。

<sup>6</sup> (CBETA, T12, no. 360, p. 268, a26-28)

<sup>7</sup> (CBETA, T12, no. 360, p. 272, c4-10)

<sup>8</sup> (CBETA, T12, no. 365, p. 341, c5-13)

<sup>9</sup> (CBETA, T12, no. 364, p. 337, b9-20)

<sup>10</sup> (CBETA, T12, no. 363, p. 323, b25-c4)

<sup>11</sup> (CBETA, T12, no. 366, p. 347, b9-15)